

11
SUPREMI NUMINIS AUSPICIO!

INAUGURALEM
DISPUTATIONEM MEDICAM

DE

ICTERO

IN

CELEBERRIMA NORICORUM UNIVERSITATE

EX

DECRETO ET AUTORITATE

GRATIOSISSIMI

MEDICORUM ORDINIS

PRO LICENTIA

SUMMOS IN ARTE MEDICA HONORES

ET PRIVILEGIA DOCTORALIA

RITE CONSEQUENDI

SOLENNI PLACIDÆQUE ERUDITORUM

VENTILATIONI SUB.

MITTIT

PANCRATIUS Wolff

Naumburg. Misn.

AD D. xvii. Augusti, A. M DC LXXIV.



ALTDORFFI

Typis HENRICI MEYERI, Univ. Typogr.

REVERENDISSIMI ATQVE SERENISSIMI

PRINCIPIS AC DOMINI,

DOMINI MAURITII,

Postulati Administratoris Episcopatus Naumburgensis

Ducis Saxoniae, Juliae, Cliviae ac Montium, &c.

Principis ac Domini mei Clementissimi,

Archiatri longè Splendidissimis,

VIRIS

Nobilissimis, Amplissimis & Excellentissimis

DN. ADAMO HABERKORNIO,

Nec non

DN. WILHELMO ZAPFIO,

Doctoribus Naturæ ac Medicinæ, tam Hippocraticæ,

quam Hermeticæ Consultissimis,

Practicis per multijugam felicem Experientiam undi-

quaque Celeberrimis,

Patronis atq; Promotoribus Optumis, Maxumis,

Ut &

VIRO

Prudentia, Experientia & Integritate maximè

Conspicuo

DN. CHRISTOPHORO Wolsfen /

Inclytæ Reipublicæ Naumburgensis Senatori, Ejusdemq; Amplissimi

Ordinis Camerario, & Pharmacopœo,

Parenti, omni filiali Honore æviternum prosequendo,

Hanc suam inauguralem

In

uberiorem sui suorumq; studiorum commendationem

D. D. D.

Cultor observantissimus


PANCRA TIUS Wolff.

S. L. B.

Alterum quòd affectum vul-
garis notitiæ, sed non vulgaris diffi-
cultatis, susceperim, non contra-
dicendi studium, sed sciendi deside-
rium fecit, quod eò me adegit, ut, multorum
Clarissimorum Autorum opinionibus evolutis,
rationibus trutinatis, observationibus inter se
collatis, meas, circa eundem formatas theses,
loco disputationis, luci commiserim, &, sicut
ille pictor suam tabulam, censuræ publicæ ex-
posuerim, ut vel hac ratione, veritatis manife-
standæ gratia, quod unicè in votis habeo, de-
fectus illarum suppleri, dubia extricari & erro-
res emendari valeant. Itaque si vides, me Ma-
gnorum Autorum hypotheses examinasse, il-
lasq; aliquando correxisse, ne quæso sinistrè &
pro audacia interpretare; secus enim, singulis
hypothesibus independente à ceteris specie con-
cilianda, laborantis circuli philosophici vitium,
maximè, incomparabili Physico, Boyleo, mo-
nente, vitandum incurrissem: Haud equidem,
quasi magis sapere mihi visus, errores illis impu-
tare coner, sed potiùs, quòd ipsorum vestigia



terens, malim rationibus, quam Autoritatibus, quæ selectu forent admodum dubiæ, superstruere, præcipuè, cum mihi canon ille seu primum principium Cartesii: *De omnibus esse dubitandum, aut, si mavis, nihil esse præsupponendum*, tanquam in philosophando utilissimum, tantopere placeat, ut adeò *nullam omnino propositionem, quæ non prius in sensu fuerit, si non immediatè, modo mediatè, facile admittam*. Quamobrem quoque multas Celeberrimorum Practicorum observationes, ex quibus demum, quantum licuit, theoremata mea collegerim, conquirere, duxi optimum, ne, umbratili saltem ad pulpitem speculationi indulgisse me, nec, quid faciat, aut ferat, ut cum Baconio loquar, natura, tam invenisse, quàm excogitasse & præscripsisse quis arbitretur. Quod si argumentum hoc minùs dignè, quàm pro Tua expectatione debuisseni, tractavero, ita ut rationes vix omnes sufficientes agnoscas, illud, pro Tua Humanitate, spero, vitio non vertes meæ tenuitati, maximè exoptanti, ut melioribus, quas apprehendat, communicatis, illa, ceu devinctissima Tibi obstringatur.



S. I.

ICterus, alio nomine morbus regius veniens, illa cutis à bile suffusa defœdatio dicitur, quæ colore magis flavo, flavum; ad obscuram viriditatem vergente, nigrum producit. Hunc pariter ac illum, ab eadem bile, in ejus organis epaticis scilicet elaborata, proficisci, evincit, quòd, uti inter alios *Platerus in observ. p. 574.* observavit, in utroq; fæces alvi sine omni tinctura, non, nisi ab illa deducenda, aliquando conspiciantur, nec non, sicut *Thonerus in observ. p. 154.* per vomitum simul biliosa flava quandoque rejiciantur; & flavus diuturnior in viridem tandem nigricantemq; degenerare soleat. Obscurus hic viror bili, secundum naturam flavæ, ab acido conciliatur; ea quippe talis, juxta *Mæbium in Instit. p. 334.* fit sæpenumero, cum tartaro digesta; sic *Graaf de succo pancreat. p. 133.* refert, se aliquando humore atro, seu ex atro virescente, in duodeno reperto, in vesicula felle ex viridi flavescentem deprehendisse, qui, Spiritu vitrioli affuso, colorem illius assumpserit; Pari ratione in ipso corpore nostro colorem hoc modo ab acido mutari posse probabile est; Illud enim, uti *Graaf de succ. pancr. p. 133. & 149.* scribit, nonnunquam bilis atra spirat, æneasq; pelves ac stanneas matulas, ex acidorum liquorum proprietate, corrodit, nec non acutissimi aceti qualitatem præfert, qualem in febre maligna *Thoner. obs. 1. p. 12.* per vomitum, post materiam croceam rejectam fuisse, asseverat. Cum autem in specie succum pancreaticum huic phænomeno idoneum esse, citata *Graaf.* probet observatio, ille ad vesiculam felleam penetrando, in hac pariter bilem adulterabit. Eapropter in nostro quoque affectu nigredinem ab acido deducendam esse, non

Hippocr. solùm epidem. l. 2. §. 1. 75. innuit, morbi, inquit, regii à splene (ipsi humoris melancholici, seu acidi primo fonte) nigriores sunt, verùm etiam persuadet, quòd quartanariis, scorbuticis, (acidi foetibus) item post errorem, in aceti sinistro usu commissum, ex Forest. l. 19. obs. 23. superveniat.

11.

Causam igitur proximam bilis agit, quæ non solùm ad massam sanguineam delata, sed etiam hinc simul glandulis miliaribus, ex conglomeratarum genere, à *Barthol. in act. med. p. 190. & Stenon. de gland. p. 42. descriptis, communicata, cutem atque cuticulam, non secus ac omnes partes interiores, facillimè inquinat. Nam, cùm Kerkring. Spicil. anat. obs. 17. (cui fortasse similis est illa Panarol. pentec. 4. obs. 44.) testetur, matrem Ictericam similem quoque foetum, edidisse, cujus non sanguis tantùm planè fuerit felleus, sed ipsa quoque ossa talia; inter Autores verò constet, foetum sanguine materno minimè ali, sed colliquamento potius crySTALLINO, uti *Harvæus* loqui amat, patet, spurcitiam illam eò posse pertingere, quò sanguini minimè liceat; unde absurdum minimè videtur, bilem aliquando cruori vitali confusam, sui notam in partibus exterioribus minimè præbere. Sic in *Schenck. observ. p. 402. narratur, massam arteriosam & venosam, in morbo regio immuni, bile manus tinxisse; ipsemet puellam novi, quæ post urinam, jamdiu croceam redditam, facibus interim omni colore suo destitutis, per alvum atque urinam flavos lapillos, sine omni tamen flavedine, vel in albo oculi, vel ipsa cute conspicienda, dejiciebat. Hinc Hildan. cent. 6. obs. 77. in quadragenario, febre biliosa laborante, absque Ictero juncto, die septimo sudorem croceum & Barthol. cent. 5. hist. 62. ex colica eundem post sudoriferum successisse, observavit, bile scilicet, ope sudoris**

doris per glandularum miliarium ductus atque poros, magis apertos, penetrante. Dictus autem humor sanguini commiscetur, quando in vasis suis choledochis contentus per porum epaticum regurgitat ad venosum parenchymatis sanguinem: motum quidem hunc destruere videtur experimentum *Malpighii de ep. c. 7.* (quod *Pecklin. de purg. cap. 36. p. 502.* sua quoque confirmat experientia) satis magnam bilis copiam, etiam ligato ductu cystico, in duodeno colligi, docentis, ideòque ejus per porum epaticum multo magis descensum, quàm ascensum evincens: Verumenimverò illam præter naturam sursum tendendi viam, etiam si naturalis hic descensus ponatur, à valvulis, quas fictitias esse *Glisson. in anat. ep. cap. 15. p. 133. & cap. 16. p. 134.* ostendit, minimè intercludi, probat, quòd ex observatione *Sylvii Prax. cap. 44. §. 17. & Disput. med. 6. §. 51. p. 100.* flatus atque liquores, poro immissi, per ejus radices (sub capsula communi cum venæ portæ ramis distributas) tandem ad pulmones usque penetrent. In ipsum equidem fellis folliculum alias vasorum biliariorum radices, ex epate productas, ac præcipue truncum quendam, ex duobus ramis insignioribus collectum, implantari *Glisson. anat. ep. cap. 13. p. 126.* notat: per vasa tamen hæc fel ad epar massamq; sanguineam retrolabi est impossibile, cum secundum istum *Autorem* per tunicarum duplicaturam, ureterum ad instar, cum quadam protuberantia spongiosa in fellis folliculum inferantur; Hunc nuper, cum epate ex bove rescissum, & aqua, per syringem immissa, repletum, ligato ductu cystico, ejus nihil à compressione emisisse deprehendi. Iccircò, propter memoratum ductum occlusum, folliculum, sine lèteri nota, distentum adeò, ut vel sesquipintam liquoris contineat, observari, exemplis confirmant *Job van Meekren obs. chir. cap. 43. & Ruysch. obs. anat. 17. & 18.*

Quemadmodum autem fluminis gurgēs, ab objecto obice reperiçus, versus fontem suum regreditur: Ita bilis ad massam sanguineam regurgitat, quotiescunque locus & exitus eidem, aut nullus, aut insufficiens, per ductum intestinale conceditur, si ve ob eundem occlusum, si ve ob humorem, exitum impetu majore, quam quo universus per illum possit egredi, postulante fiat. Non enim culpa semper rejicienda est in obstructions, quas in Ictero defunctis multis frustra *Sylvius Prax. cap. 46. §. 7.* quæsit, earumq; absentiam multæ historiæ (quales sunt *River. cent. 2. obs. 9. it. cent. 3. obs. 73. Hæchstett. dec. 8. cas. 8. Plater. in observ. p. 329.*) illo laborantium, bile nihilominus tincta per alvum, quandoque etiam vomitum exonerantium, denotant, quale quid in infantibus quoque, primas cuticulæ exuvias cum Ictero deponentibus, subinde animadvertitur. Felleum vero humorem, è vesicula coarctata erumpentem, impetu majore, quam quo ductus communis, aut ejus ostium illi integrè se exoneranti par sit, sursum adigi sæpius à me aliisq; visum *Dn. D. Bohnii, Anatomici longè Exercitatisimi, Præceptoris quàm Meritisimi experimentum, exercitationi Physiologica nonæ corollarii loco adjectum*, confirmat; quando scilicet, folliculo, e. g. digito, compresso, pars quidem bilis per ductum communem ad intestinum descendit, pars verò ejusdem eodem momento per porum ascendit epaticum; non secus, ac vesica aliqua compressa, humor, in ea contentus, amat per omnia effluere foramina. Maximè autem hoc eveniet, si vesicula fellis sit plenior, si ductus communis, ejusvè ad duodenum ostium aliquantò sit angustius, si non ita per acutum angulum porus epaticus cum cystico coeat; ut igitur mirum non

non sit, quasdam causas in hoc subiecto, licet graviores, affectum nostrum minimè producere, quem tamen eadem in altero, secus conformato, licet leviores, facillimè soleant.

IV.



Ductum memoratum occludit materia tartarea & calculus, quem velut in quibusvis corporis humani partibus (ne quidem cerebro excluso, in cujus dextro ventriculo, stulti semper somnolenti, inter alia præternaturalia, grana xiiij pendentem *Kerckring. Spicil. anat. obs. 35. reperit*) Anatomicorum industria observavit: ita frequentem vasa biliaria obsidere Autores plurimi, propria experientia instructi, testantur. vid. *Schenck. observ. p. 402. Barthol. cent. 1. ep. 62. &c.* Hujusmodi avellanæ magnitudinis lapillos tres, quos, ex aliquot laminis quasi striatis concretos, è vesica fellea mulieris, assumpto arsenico, defunctæ, in hujus Universitatis theatro Anatomico Anno 1662. extraxit, ostentat *Excellentissimus Dn. Doct. Mauritius Hoffmannus, p. t. Spectatissimus Dn. Decanus.* Esse illum nihil aliud, quàm fel coagulatum, amaritie, colore atque tinctura sua subinde, uti habent observationes *Schenck. p. 405. & 404. prodit*, cujus corpuscula, antea saltem contigua, ceu in fluidis requiritur, ut continua, tanquam in solidis, fiant, concrefcere cum in modum, quo *Helmontius in Paradoxico suo de lithiasi tractatu* calculum generari contendit, scilicet, quemadmodum cum Spiritu urinæ vini Spiritus mistus coagulatur, hujus abusus, morbum regium sapissimè prægressus, speciem offerre videtur. Verùm scrupulus, an talis explicatio locum hic habeat, *Illustri Boyleo, tam in tentaminibus, quàm in hist. fluid. & firmit.* experimentum hoc, non nisi quàm maximè rectificato utroque Spiritu, succedere, monente, vix eximendus remanet. Bilem etenim, licet alcalina natura minùs ipsi deneganda sit, tantopere urinofam vix esse credo, qui vidi, ejus destillatione in arena facta, phlegma

gma sine omni notabili sapore & odore, aquei planè coloris alembicum ascendisse; Vini etiam Spiritus, ab ejus potatoribus assumi consuetus, tantam rectificationem nondum sustinuit, inprimis cum fermento ventriculi, utpote acido, à quo tamen (unde ejus alcoholisationem addita lixiviosa, non secus ac destillationem Spiritus Salis armeniacy & salis volatilis tartari, tantùm juvant) liberari debet, denuò figente. Ad hæc neque omnem urinæ Spiritum, sed saltem putrefactione, non sine ea, additis alcalinis, paratum, huic phœnomeno idoneum, sese exhibere; prætereaque coagulum hoc limpidi liquoris formam (quam tamen calculi, per satis longum tempus repositi, renuunt) reassumere, *laudatus Physicus* animadvertit. Probabilius itaque coagulatio hæc acido, cujus præsentiam non juvantia solùm, sed etiam symptomata cum causis prægressis evincunt, imputabitur, quantumvis minùs eò inclinemus, omnem coagulationem per acidum fieri, cujus assertionem concretio glaciei, gemmarumque destruit; nec credamus, omne acidum omne liquidum coagulare, cum Sacchari coagulatio ab acidis potius impediatur; Acida tamen idoneæ texturæ, qua multa gaudent corpora, subjecta promptè coagulant. Sic *Boyl. in hist. firm. p. 117.* oleum olivarum in album consistens, atque interdum friabile, superinfusa aqua forti concreescere refert; Spiritum salis albumen ovi coagulare notum est; calculus humanus, secundum *Tachen. Hippocr. Chym. cap. 14. p. 93.* est, uti tartarus, sal volatile, materiæ terrestri junctum, ab acido induratum; & Sulphur commune crama, in penetralibus terræ ex unctuosa, combustibiliq; substantia, & liquoribus vitriolatis conflatum; Spiritum quippe acidum, vulgò olei nomine venientem, per campanam vitream ex eo accipiendum, cum ad unciam unam ex integra

Sulphuris libra vix colligatur, nec non testante *Boyl. de col. p. 3. exp. 23.* rosarum rubedinem, quam in albedinem fumus ejus convertit, magis intendat, pro ejus integrali constitutione minimè sufficere videmus, præsertim, cum *Idem* oleum virioli & oleum terebinthinæ juncta partem Sulphuris, colore, odore & inflammabilitate commune æquantis exhibuisse sibi, in *Chymista Scept. p. 197. & 173.* enarret. Bilis vero, etsi non quælibet (hoc enim posito omnibus fere hominibus, nihilominus in statu naturali, ob ductus Pancreatici & Biliarii frequentissimum concursum, fierent calculi) superveniente coagulo acido, ad calculi naturam induendam apta fit, si ratione visciditatis albumen, ratione terrestritatis cum sale volatili tartarum & calculum, ratione nimix oleositatis oleum olivarum & sulphur commune referat.

V.

Ductus porro communis occluditur à callo, insertionem biliarii ductus in duodenum obsidente, quale exemplum *Bartholin. in dubiis anatom. de lact. thorac. c. 2.* habet; à vermibus, quos *Ruyfch. obs. anat. 17.* in biliario poroprehendit; & in scirrhusi epatis ovini ductibus, cucurbitæ semen æmulantes vidit *Excellentissimus Dn. D. Hoffmannus, Botanices, Anatomie & Chirurgie Professor hujus Academiae Publicus, ac Sereniss. Elector. & Marchion. Brandenburg. Reique publ. Norimb. Archiater undiquaq. Celeberrimus, Præceptor atatem omni honoris cultu venerandus*; aut parte aliqua ductus communis, velut intestini in iliaca passione, partem alteram excipiente, quale quid in aperto pueri, immensis circa umbilicum torminibus infestati, cadavere, in ductu cystico supra pori epatici insertionem observatum à se, *Job van Meekren observ. chir. cap. 43.* appposito schemate, describit. Quod si etiam ductus communis, hactenus sæpius memorati, (utpote, referente *Glissonio anat. ep.*



cap. 13. p. 135. inter duodeni tunicam exteriorem atque interiorē semiunciali ferè longitudine prorepentis, tandemq; hiaturorundo in ejus cavitatem se aperientis,) insertio, bilis, vi digitorum etiam propulsæ, ad intestinum penetrationi semper obluētans, examinatur, patet, quòd ejus orificium à phlegmate in ipsis intestinis obturari, humorisq; hujus effusio cohiberi possit, eò frequentius, quò certius, ejus longiorem insertionem, dum duodeni tunica interior versus exteriorē, replendo atque distendendo, comprimitur, unà incommodari.

Vl.

Impetuosius bilis exitum quærit, si ob effervescentiam ac spirituascentem ebullitionem ad sui è vesicula effusionem insurgit, unde expulsa, qua data porta ruens, non minùs per porum ad epar delata, lèterum, quàm ad intestina, vomitiones atque alvi dejectiones biliosas excitet. Ejusmodi turgescientiam ipsi ab acido induci, *observ. 1. Thon. p. 12.* evincit, in qua docetur, quendam febricitantem, qui, cum oris amarore, singultu contumaci, fæcibus biliosis, halitum, fervore manus assistantium, ori ejus admotas, ferientem exspiravit, post materiam croceam amarā (sine dubio biliosam) tandem vitriolatam, acutissimi acetii qualitatem præ se ferentem, & palatum penè erodentem, per vomitum rejecisse; pariter *Walaus in epist. de motu chyli ad Bartholinum conscripta ejusq; Anatomia reformatæ annexa p. 533.* narrat, se in canis, per triduum in ediam passi, ventriculo (acidius ob fermentum) bilem quàm maximè ebullientem observasse. In nostro quoque affectu, uti acidum peccare ut plurimum, multa demonstrant, ita & ejusmodi humoris exagitationem, ab acido oriundam, non malè accusari

censebit, cui, in lētericorum folliculo subinde calculos, quorum generationem superius per acidum explicavimus, effervescentiæ illius, licet jam peractæ, superstites fructus, inveniri, constabit. Vix enim ob obstructions eundem tunc produci significat, quòd iis non ostium semper odsideatur, aliàs post vomitum biliosum, sicut in *Schenck. obs. p. 403. b.* de muliere narratur, ibi non fuissent observati. Poterit autem acidum hoc non solùm unà cum sanguine ad folliculum, ceu *Sylvius in Prax. c. 19. §. 41.* contendit, penetrare, verùm etiam succus esse pancreaticus, in homine cum bile in duodenum per ostium commune sese exonerans, cujus vitio illam bilis turgescentiàm sæpe originem suam debere, probat, quòd in regione lumbari dextroq; hypochondrio, ubi ductus pancreaticus cum biliario intestinum perforat, non solum in cholera, quam bilis orgasmum excitare certum est, anxietates, verùm etiam in ipso lētero lancinationes se prodant, vid. *Hæchstett. dec. 8. cas. 4. & Barthol. cent. 3. hist. 4.* Doloribus quidem ea loca infestantibus plurimi nomen nephriticorum imponunt, persvasi, quòd post eos subinde calculi, cujus exemplum habet *Deck. in exerc. circ. meth. med. p. 640.*, per urinam excernantur; verùm ut plurimum decipiuntur; lancinationes enim illæ, in dextra lumborum regione inceptæ, hinc sæpissimè in anteriorem sinistri hypochondrii partem usque ad umbilicum, uti in matrona quadam vidi, pertingunt, (nempe secundum intestini tenuis, duodeno succedentis jejuni, lumbis primùm sub mesenterio annexi, mox in sinistras antrorsum erumpentis, inq; Ileum desinentis, gyrationem) succedente nausea, vomitu, ructibus, aliisq; symptomatibus, ut plurimum oriundis magis ob consensum & continuationem ventriculi cum intestinis, quàm exilis à stomachico, sexti paris (recentioribus octavi dicti, aut juxta *Willis.* potius intercostalis,) ramo, nervi in propriam renum membranam distributi: accedit, quòd sæpiùs paroxysmi, ut plurimum calcu-

lo nullo excreto, uti videre licet ex *River. cent. 2. observ. 58.* saltem urina sub sedimento, ab initio rarissimè conspiciendo, arenulas rubras in vitri centro ponente, solvantur, iterumq; facilè externum ob errorem, e. g. frigus &c. excitentur, ac optimè, ceu longa ex voto succedens experientia *supra laudatum Spectatissimum Dn. Decanum D. Hoffmannum*, edocuit, curentur sudoriferis & acidum absorbentibus, e. g. *mistura simpl. Cornu Cervi &c.* non tam lapillum, in ureteribus acutissimos dolores excitantem, iterum in pelvim, minus sensilem, retrahentibus, quàm succum pancreaticum & effervescentiam intestinale[m] emendantibus, itemq; sanguinem, subsistendo inflammationem augentem, disgregantibus: Calculos verò & arenulas excerni (& quidem velut plerunque evenit, paroxysmis longè præterlapsis) mirum non est, si consideremus, quandoque etiam in colica, cujus *Deck. in exerc. circa meth. med. p. 665.* exemplum enarrat, hoc contingere; talesq; ab acido, in intestino antea turbas excitante, postea ad urinaria vasa delapso, ibiq; materiam aptam seu coagulabilem offendente, facilè posse generari.

VII.

Porro vesiculæ fellis coarctatio, tanquam digitus, eandem comprimendo, humoris tantam copiam ad profusionem urget, cui exonerando ductus communis ostium impar est: unde ab omnibus, eandem angustantibus, causis, bilis ad venas regurgitare cogitur. Cujus igitur ratione frequens malum post colicam passionem, uti *Forest. l. 19. obs. 17.* quoq; post iliacam observavit, in quibus intestina, à fellis folliculo parùm disita, flatu distenduntur; & in prægnantibus uterus, ultimis gravidationis mensibus abdomen valde angustando, visceribus omnibus sursum adactis, illum comprimi faciens, hujus productioni, potest favere,

re, quale exemplum *Forest. in schol. ad observ. 21. l. 19.* suggerit. Tandem etiam fel è vesicula sua copiosè spasmī emulgebunt, nunc tantum particulares, nunc aut totum corpus concutientes, velut in epilepsia, qua, in difficilimo partu correptæ mulierculæ (cujus ab *Excellentissimo atq; Experientissimo Dn. D. Bohnio, Anatomia & Chirurgia Professore Publ. Lipsiensi longè Celeberrimo, Præceptore, singulari Observantia mihi suspiciendo*, cadavere aperto, uteri corpus, ob sanguinem congrumatum, gangræna correptum, vasa autem biliaria minimè obstructa, deprehendebamus) morbum accidisse regium memini: aut saltem in plexu hepatico aut mesenterico, à quo ille protenditur, Spiritibus animalibus, ut cum *Willisio* loquar, ataxias convulsivas ineuntibus, quas juxta *Eundem de morb. conv.* concipere possunt non rarò, licet nondum copula explosiva præoccupati, paribus nervosis, e. g. à dolore gravi, solutione continui &c. irritatis; sæpius, si, præter ipsorum copulam elasticam, (nitro-sulphuream, à sanguine arterioso iis accedentem, à cujus, ceu pulveris pyrii, explosione ordinata, motus suos tam musculosos, quàm peristalticos secundum naturam partes perficiunt) etiam aliusmodi efferæ naturæ corpuscula, pulveris nitrati magis æmula, iis adveniunt, intimèq; adhærent, ac hinc, subita iterum nec non frequentia faciendo divortia, mutuam particularum elisionem inducunt. Explosiva hæc copula rariùs à nervorum principiis, eorum liquori immissa, descendit, & dein juxta dictorū plexuum nervos, tanquam in morbi convulsivi mineram congeritur,

tur, sed ut plurimum per illorum extremitates à parte aliqua, quam illi nervi respiciunt, e. g. ventriculo, intestinis, &c. in fibras nerveas, per totam viciniam confitas, transmissa, iis motuum convulsivorum, ceu pulveris pyrii igniendi, fomitem suppeditat. Ad eandem iterum excutendam Spiritus, aut ob nimiam ejus plenitudinem gravati, aut, data aliqua occasione derepente exagitati, insurgentes, explosiones incunt, & quidem plerumque à fine orsi, quomodo proximos quosq; prædispositos Spiritus, veluti traduce igniario, corripunt, & spasmos continuata seriè à meta una ad alteram propagant, unde convulsio à stomacho, pancreate &c. exorsa, sensim ad ipsum plexum mesentericum prorepat, à quo ad hepaticum, ipsamq; hinc vesiculam fellis reflecti valet ac retorqueri.

VIII.

Cum tanta humoris copia ad vasa choledocha in statu præternaturali quandoque deferatur, ut folliculus fellis exinde penitus intumescat, (sicut in diarrhœa extinctis infantibus *Diemerbr. anat. p. 52.*, & in cholera defuncto *Edmund. de Meara p. 161.* observarunt) revera & illa, quam ex valida & continuata glandulosi jecinoris compressione ex perenni respiratione multum promoveri vult *Malpigh. de struct. visc. p. 34. de hep. cap. 7.*, ad bilis copiosiore effusionem contribuere potest. Non quidem quasi Icterus sine ea nunquam producat, quia ad universum corpus, ad tantamq; urinæ copiam tingendam, præsertim si multa biliosa materia per alvum simul atque vomitum rejiciatur, sufficiens bilis quantitas in vesica fellea contineri nequeat. Etenim, sicut *Boyl. de col. part. 3. exp. 24.*, granum unum cochinelii in Spiritu urinæ, tumq; ulterius in aqua limpida

pida gradatim disolutum, sensibilem colorem sex, aqua repletis, vitris, quorum quodlibet uncias XLIII^{ss} continuerit, impertivisse refert; ita de felle ipso *Diemerbr. anat. p. 52.*, ejus semicochleare toti libræ aquæ infusum, eandem viridi satis colore tinxisse, testatur; adeoq; non major fellis quantitas per unum magnum vomitum semper rejicitur, quàm quæ in vesicula, ejusq; organis contineri possit, nam minimè bilis mera, sed bile tantum tincta expurgantur.

IX.

Verùm ne quis imminutam fellis secretionem, peragendam ope glandulorum hepatis acinorum, minimarumq; miliarium glandularum, quas *Acutissimus Malpigh. de lien. cap. 6.* per fellis vesiculæ tunicam dispergi docet, perque ipsius pori epatici suspicatur, intactam me reliquisse, miretur, dico, bilem massæ sanguineæ materialiter saltem, non formaliter, inexistere, ita, ut nondum in organis suis elaborata, ejus, ceu mustum, ante fermentationem, vini, qualitatibus essentialibus nondum instructa, nullo modo vel amarore, vel colore in succis, per corpus circumfluentibus, se prodere valeat, quale quid in Ictero contingere, extra dubium est positum. Videtur enim, quò *Clarissimus Sylvius in disput. med. 6. §. 36.* inclinât, plurimum probabile, bilem ex idoneis sanguinis particulis in organis suis à bile, ibi jam parata, generari, similiter ferè, ac juxta Chymicos metalla quævis, magna licet quantitate fusa, ad philosophici lapidis excellentioris, etiam paucissimi, admistionem, mox iidem in lapidem tingentem, seu tincturam similem, transeant; perpetuariq; ad modum aceti, cujus si dolio vini cantharus infundatur, in eandem cum illo naturam abit; imò in quod aquam simplicem atque fontanam convertere ope singularis fermenti Virum quendam naturæ curiosum callere, *Dn. Morhof. in epist. ad Langelott. consignata*, scriptum reliquit, quo artificio

ificio maximum Kilonii quæstum comparari, *singularis Amicus*, constare sibi, asseveravit. Imò, quantumvis probilificatione non excludamus planè secretionem, glandulis perficiendam, ob certam pororum dispositionem, cribrorum ad instar, humorum particulas, magnitudinis & figuræ cum iis existentes maximè analogæ, admittentibus, exclusis interim aliis, minorem cum illis similitudinem obtinentibus; quin tamen eam sufficere credam, adduci vix potero; Ipsi quippe hypothesein hanc confirmantes, in exemplum plantas adducunt, quarum, etiam si longè variarum, & in eadem vel area confitarum unaquæq; specificum, ceu facta electione, rejectis aliis, quibus cum porulis nulla intercedat affinitas, particulis, succum in se admittat, nec ipsum tamen homogeneous, quin diversæ naturæ particulas sub se continentem; quemadmodum in arboribus iisdem diversos, diversis scilicet inoculatis illi surculis, fructus, propter diversam pororum suorum, hanc, nec illam, liquoris partem excipientium, constitutionem, excrecere videamus. Verùm, ut transcam experimenta *Boyl.* atque *Helmontii*, quibus, salicem & aromaticas etiam plantas, qualis mentha fuit, incrementum à sola aqua sumpsisse ostenditur, dubiam hypothesein hanc reddit, quòd, viti, imprimis multa medulla donatæ, ob idq; copiosiores fructus producere solitæ, si plures, quàm par est, geminæ relinquantur, copiosiores uvæ colligantur, surculorū contra lignis hinc minùs maturefcentibus & deficientibus; manifesto indicio, succum, in ligni nutrimentum cedentem, materialiter eundem esse cum eo, ex quo uvæ vegetant, cum formaliter tamen longè differant. Quod autem, uti succus mali Persici, decerpti à surculo, inoculato cerasi trunco, & hujus fructuum, quos in alio ejusdem arboris ramo producit, ita bilis in organis suis actu jam elaborata, atque ea, quæ potentialiter saltem sanguini inexistit, formaliter longè differant, tam candidus succus, à *Glisson. in anat. ep. cap. 39. p. 344. & Diemerbr. anat. p. 129.* in

ejus folliculo repertus, quàm ejus, secundum naturam se habentis, tanta tenuitas, quæ, uti in Ictero videmus, omnes humores, nihilominus per glandulas transcolatos, colore atque amaritie sua deturpet, evincunt.

X.

Inter causas Icteri procatarcticas alimenta pituitosa referantur; inter affectus animi præsertim moeror & ira, quam, turbando effervescentiam intestinale, velut aliquando colicam, bilioso & æruginoso vomitui conjunctam, *Platerus in obs. p. 419. & 422.* excitasse, testatur: sic ex ea in Icterum mulierem incidisse *River. cent. 2. obs. 9.* enarrat: Quibus Spiritus vini abusus etiam adjiciatur; Hunc bilem ad calculorum concretionem disponere conjicio, quòd post eundem, uti autopsia in cadavere hominis, huic vitio dediti, aperto, sæpius citatum *Experientissimum Dn. Doct. Hoffmannum*, ejus certiores reddidit, epar scirrhosum, multisq; calculis & tophis subinde refertum, observetur; Quorum cum nuper in epate bovino (in cujus duodeno calculum obscure viridem, & multis angulis præditum, scrupulum semis pendentem, pisumq; ferme bis æquantem, sine dubio è vesicula fellis compressa cum bile eò propulsum, inveniebam,) sedem in aliquot locis investigarem, radices epatici porri esse, quæ crustis calculosis planè obducebantur, stylus & aqua, per syringem immissa, demonstrabant. *Sylvius* eundem oleositate sua nocere credit, quam sicut ipsi inesse nemo facile negabit, præsertim si quis eundem, potissimum super aromata oleosa cohobatum aut infusum, ab ejus potatoribus amari, perpendat: Ita illam hoc loco minimè proficuum esse confirmat, quòd ab *Experientissimo Dn. D. Brunone*, hujus Universitatis p. t. Magnifico Rectore, atq. Prof. Publ. longè Famigeratissimo, Patrono Promotoreq; maximè suspiciendo acceperim, se,

nimum & quotidianum baccarum juniperi, quas magna oleositate gaudere prolixiori probatione haud eget, abusus, affectum nostrum subsecutum, observasse. Illi etenim, felli conciliatæ, ejus quoque crassitiem succedere suspicor, quoniam in bobus castratis atque saginatis sæpissim eandem valdè viscidam deprehendi. Cum insuper illa aqua, vitæ quidem vulgò dicta, sed non paucis lethi facta, fermentum ventriculi debilitet adeò, ut *Riverius* famem caninam potenter sedare scribat, facile infertur, hoc debilitato, multos crudos humores, post ejus sinistrum usum corpus oneratuuros fore, imprimis in potatoribus, multa alia vitia in diætâ committere, in specie frequenti potu frigido ad sitim extinguendam se ingurgitare consuetis. *Rolfinck.* etiam in *meth. med.* p. 144. refert, rusticum quendam, quartana confectum, largissimè Spiritu frumenti stillatitio (qui ex ardentium genere, itidem ac memoratus est) ante paroxysmum hausto, convulsione superveniente diem obiisse; Cui simile quid in Studioso, qui, dum horrores tertianæ aliquoties nimia Spiritus vini quantitate assumpta, levare voluit, epilepsiam sibi accersivit, *Amplissimus & Excellentissimus Dn. Decanus* observavit; Dubitandum igitur non venit, convulsiones excitando, in morbo regio, quem ab iis ortuum suum non rarò trahere diximus, quoque obesse plurimum.

XI.

Icterus per se satis manifestus, signis, nisi causarum, minùs indiget: Ductus ergò communis obstructiones colliguntur ex fæcibus albis, urina flava, præsertim injecta lintea colore flavo tingente; Harum absentia patet per oris amarorem, vomitum atque diarrhœam biliosam junctam: Effervescentiam intestinale culpæ incusant stercora æruginosa atque atra, lumborum, in primis dextri, dolor, calor, horror, vulgòq; dictus dolor nephriticus:

cus: Intestina flatibus distenta, crepitus atque ructus, tormina ventris, obstructiones alvi, & non rarò tumores abdominis ostendunt. Spasmi conjiciuntur, si adsit læsi nervi suspicio; si in aliis locis, e. g. oculis, abdominis musculis &c. se prodant, si vehementes adsint dolores aliàq; irritantia. Harum dignotioni lucis plurimum afferunt examinatæ causæ prægressæ, juvantia atque nocentia, nec non symptomata cætera comitantia.

XII.

Ejus prognosis per se pernitiōsa & lethalis non est, nihilominus sæpe aliorum supervenientium & junctorum ratione portenditur: Ita juxta *Hipp. s. 4. aph. 62.* quibus in febribus morbus regius fit ante septimum diem (utpote quo acutarum crisis prima debet contingere) malum; quippe symptomaticè potius, quàm criticè se tunc habet, nisi humores ad ventrem fuerint exturbati, sicut ipse *Hippocr. popul. 1. s. 2. 120.* exempla illud ostendentia proponit. Adevitandam verò contrariam Autorum experientiam, quam fovet *Barthol. cent. 3. historia 4.* mulieris quartanariæ, notetur I. hunc aphorismum de febribus acutis atq; biliosis intelligendum esse: II. Saltem malum, non lethale judicari, quale timendum est, juxta *Hippocr. de cris. 8. 20. p. 444.* si cum singultu (symptomate pessimo, imò ferè juxta *Platerum* in dictis febribus lethali) quinto die appareat. III. Addatur limitatio, quæ de *victu acut. 54. 3.* habetur, nimirum, ut sine rigore accedat, utpote qui morbum solvit. Die septimo contra aut nono aut decimo quarto accedens bonus ab *Hippocrat. aphorism. 64.* habetur, nisi hypochondrium dextrum durum fiat, id est non

criticus, qui, velut croceus ille sudor, quem *Hild. cent. 6. obs. 77.* in febris biliosæ septimo die prorumpentem observavit, contingat ratione bilis, in massa sanguinea jam hærentis & hinc ad exteriora propulsæ, tandemq; medio glandularum subcutanearum penitus eliminatæ: sed symptomaticus, qui bilis novæ causæ, ob vitiosam effervescentiam intestinalem &c. ad massam sanguineam suggestæ, eveniat. Sæpius illi hydrops succedit, accidens, quòd chylus, bile alcalina deficiente, ob aciditatem præternaturalem in vasis lacteis atque lymphaticis grumescens, obstructions, quarum culpa eorum serum nutritium in cavitatem, præcipuè abdominis effunditur, pariat. Falsò enim supponitur, bilem excrementum esse, quæ multò magis humor est ad sanitatē, imò vitam ipsam animalis conservandam maximè necessarius, cujus ope chylus, fermenti aciditate, aliis partibus inimica, obtusa, non secus ac solutio corallorum, instillato sale tartari, lactescit; & fæces alvi post assumpta martialia, sicut solut. vitrioli addito decocto gallarum, nigrescere, mihi magis videtur probabile, quam ope succi pancreatici acidi sive austeri, uti vult *Acutissimus Pechlinus in egregio de purg. tract. cap. 3. p. 41.* Oleum quippe vitrioli atramento communi inditum ejus nigredinem minuit & abolet, nec non rosas rubras, quæ idem mihi phænomenon, ac gallæ, exhibebant, lac ab austeris omnibus coagulabile, minimè coagulasse, nec solutionem Sulphuris perlxivium paratam, quod in more singulis est acidis, præcipitasse fui expertus.



XIII.

Indicationes sunt, ut bilis ad massam sanguineam corporisq; superficiem delata, evacuetur, dein ut causæ illius regurgitationis tam externæ, quam internæ removeantur aut corrigantur. Quod si
ergo

ergo in culpa erunt occlusiones, referentur, bilis organus cohibeatur, convulsiones sistantur, vesiculam fellis comprimi facientia tollantur & emendentur, humorisq; ad vasabiliaria copiosior derivatio sufflaminetur. Auxilia, quibus hisce possumus satisfacere, externa ac interna suppeditat fons diæreticus & pharmaceuticus; suntq; vel alterantia vel evacuantia, qualia sunt purgantia, sudorifera & diuretica.

XIV.

Purgantia historias ab Ictero servatorum pervolventi præscripta frequentissimè offenduntur, convenientia, tam ductus biliarii orificio in duodeno à pituita viscida obducto atque oblitterato, quàm aliquo ipsius communis viam obli-dente. Humor enim, per purgantia ad intestina deponendorum, pars magna expurgatur per vasa choledocha, quæ, cum ductu Pancreatico, ceu vias purgationis ordinarias, *Spectatissimus Dn. Decanus in disput. de nutrit. th. 32.* orbi medico primùm detexit; Illi igitur cum impetu profluentes quicquid in illis hæret, non secus ac per diuretica ob copiosiore urinam calculi in ejus organis hærentes expelluntur, exturbant & eliminant. Videntur equidem, bilem impetu majore è folliculo fellis movendo, exindeq; denegato propter obstructions exitu, copiosius ad sanguinem ferendo, icterum magis promovere. Verùm copiosus quoque humor per porum epaticum advolutus tantam regurgitandi copiam vix concedit, quin & ipse calculi expulsionem promoveat. Imò nihil prohibet, ab iis primùm bile corpus exterius magis perfundi secundum *Forest. l. 19. obs. 20.*, modo, via rursus ad intestinum reclusa, continuatus novus affluxus intermittat, & Icterus, bile jam admista per sudorem & transpirationem eliminata, evanesceat. Neque in casibus cæteris eorum usus planè



planè postponendus venit, e. g. si malum à spasmodis, imprimis particularibus mesenterii, aliarumque partium abdominis, oriatur. Cum etiam humores ab iis per ductum pancreaticum evacuari dictum sit, igitur ejus succum, aciditate saltem primùm per præparantia fracta, eliminandum, & hac pariter ratione, bilis exagitationem compescendam non parùm valebunt. Iccircò, sicut in diarrhœa, vomituq; Rhabarbarum commendatur, ita *Thoner. in obs. p. 154.* suggerit exemplum icteritia nigra affecti, in quo amaror oris cum ardore ventriculi bilem tumultuantem prodebat, cui tamen non solum per epicrasin evacuans, sed etiam vomitorium cum successu exhibuit, & *Plater. in obs. p. 574.* pueri, quem, etiam si jam spontè dejecerat copiosè, à Syrupo rosarum cum Rhabarb. alvo soluta restituit. Verùm sæpè quidem magna utilitas, sæpè tamen magnum etiam damnum ab iis potest expectari, si nimirum ubique in ea, neque circumspectè, imprimis in dosi, usurpata collocetur omnis fiducia, utpote quibus, bile jam ferociente, superpurgationem periculosam succedere, videmus in febribus malignis, sæpè mortem inferentibus ob medicamenta, licet parva dosi exhibita, fortiter purgantia. Quamobrem dejectionibus copiosis simul urgentibus, illorum usum rectiùs planè intermitteri, demonstrat *River. cent. 3. obs. 73.* historia Jesuitæ, Ictero cum vomitu bilioso afflicti, qui, neglectis omnibus purgationibus, restitutus fuit; & *cent. 2. obs. 9.* mulieris, per alvum liquida biliosa rejicientis, in qua Rhabarbarum parùm utilitatis præbuisse testatur. His junguntur & aliquando rectiùs substituuntur enemata, quorum magnam utilitatem observationes plurimæ celebrant, nam toti abdomini foci sunt, alvum lubricant, fæces duras emolliunt, intestinorum motum peristalticum adjuvant, in iis hærentia, à quibus sæpe omnis mali fons redundat, elutriant.

XV.

Diaphoretica quantopere in Ictero convenient, monstrat, quod cum bilem massæ sanguineæ, humoribusq; aliis p. n. admixtam, atque corporis exterioribus suffusam eliminant; tum causas antecedentes admodum tollant. Quippe intestinalis effervescentiæ, succiq; pancreatici vitia, eundem intercipiendo & quasi ad glandulas subcutaneas revellendo, corrigunt; ad obstructions referandas, causam antecedentem tollendo, multum faciunt; in convulsionibus atque spasmodicis conducunt; atque in copiosa fellis secretionem cohibenda, commodum præstare, hypercatharsicos atque cholerae cura ostendit. Conveniunt inter ea maximè salia volatilia, imprimis urinosa, e. g. Cornu cervi, fuliginis &c. & ex iis composita salia volatilia oleosa, utpote valde incidentia, obstructions tollentia &, uti inferius dicendi locus dabitur, calculum frangentia; item Sulphura mineralium, qualia sunt, antimonii & vitrioli, quorum in Ictero utilitas est specifica, quia ipsam sanguinis ebullitionem, uti in febribus malignis videmus, sine incensione coercent; ob vim anodynam, secundum *Sylvium* opiatorum superantem, bilis efferae effusionem compescunt, acidiq; vires potenter, unde ab *Eodem* iis in casibus, in quibus terræ & ossa, extolluntur, frangunt. In dubium equidem hanc nostram assertionem vocat, quod Sulphur antimonii, ceu illud *Boyl. in Chym. Scept.* de suo, cum oleo vitrioli parato, asferit, communis qualitates æmuletur, adeò ut similiter protinus ad candelæ flammam ignem concipiat, adeòq; acida, utpote quibus ad solvendum hoc non patet, non possit imbibere: Verùm juxta quos processus istud in usum medicum elaborari consuevit, non tam Sulphuris puri,

D
ri,

ri, quemadmodum *Boylei*, meretur, quàm per lixiviosa factæ solutionis, acido, à quo præcipitatur, imbibendo aptissimæ. Hanc virtutem laudatum Sulphur neque omnino amittit, etiamsi, uti multis in usu est per acida præcipitando separetur; per Spiritus enim acidus supra illud aliquoties abstractos figitur, quem in modum *Zwelf. in Pharm. Reg. diaphoreticum* suum auratum, & *Febr. in Chym.* suam panacæam diaphoreticam elaborant.



XVl.

Imò etiam diuretica à bile, illam à sanguine cum urina segregando, humores depurantia, pituitam viscosam, ad renes deductam, per urinas educentia, succi pancreatici copiam, ipsum per diuresin evacuando, minuentia, in morbo regio curando egregium sibi vendicant locum, quem inter ea non postremum obtinent lumbrici terrestres, quos cum gummi ammoniaco exhibitos aliquoties admodum profuisse sæpius jam laudatus *Experientissimus Dominus Doct. Mauricius Hoffmannus*, observavit; & Salia, imprimis alcalina, quæ acidorum, texturam eorundem in acido-saliam & tertii generis mutando, vim coagulandi atque præcipitandi destruunt; bilis contra alcali adjuvando atque augendo, præcipitationem intestinalem promovent; accedit, quòd in convulsionibus, quare in Epilepsia frequentissimi sunt usus, copulam Spirituum animalium explosivam acidam figendo & quasi constipando, specificè conducant, partem insuper pituitæ incisæ ac emendatæ, potissimum juxta *Sylvium* volatilia & in specie oleosa, diutinè cum alimentis assumpta, ad urinæ vias propellant, ac sedimenti, paulatim tamen deficientis, atque eo ipso illius maximam partem superatæ ac correctæ signum præbentis indubitatum, for-

forma expellant. Quinimò, cùm Sulphur ab iisdem promptissimè solvatur, (quale quid de lixiviosis ejus lac, & tinctura volatilis, descripta à *Boyl. de col.*, de urinosi testatur,) calculus item urinarius à sale volatili tartari, instar salis Cornu cervi, urinoso frangatur, asserente *Eodem in Chym. Scept.* hæc salia calculum biliarium, cujus concretionem superius memoratis assimilavimus, imminuere ac frangere, non videtur improbabile.

XVII.

Inter alterantia maximi facit *Platerus* martialia, adeò quidem, ut ipsa, in Praxi valde commendata, creberrimè medicamentis suis in observationibus adjecerit: quantæ illis virtutes ab Autoribus aliis ascribantur, legi poterit in *Schenk. obs. p. 406. Willisius inter nostri sæculi Medicos Clarissimus de morb. convuls. c. 11. p. 208. de febr. c. 2. p. 111.* hæc in corpore humano juvare putat sub illa ratione, quòd præter particulas salinas, quæ sanguinis impetum inhibeant, ejus massæ corpuscula inferant sulphurea, quæ novum ac uberius sulphuris penum addendo, velut fermento quodam, cruoris vitalis ebullitionem, aut imbecillem, aut ferè extinctam de novo restaurent, ut propterea, antea pauperior & effœtus, iterum vegetius fermentescens, ulteriusq; in corde accensus, calorem magis intensum, quin & colorem saturatiorem acquirat: quam opinionem illustrare videtur exemplum illius, quem *de febr. c. 1. p. 108.* vitioso corporis habitu præditum cruorem albicantem lacti similem, emittere solitum, cum dein à remediis chalybeatis melius haberet, sanguinem modicè rubicundum profudisse refert. Verùm licet negandum non sit, fermentationem sanguinis aliquando chalybeatis maximè promoveri, non tamen ita accipiendum esse credo, quasi hunc effectum post se relinquunt, quod vice fermenti fungantur. Sunt enim eorundem particulæ jam simul omnes in vigorem mi-



nus collocatæ, ut, aliorum otiosas particulas fuscitantes, secum in motum abripiant; imò quî Mars sulphure dives esse potest? cûm, quale paratur ex eo, tale non sit, sed corpus ex ipso metallo ac corpusculis salinis compositum; aut quî Sulphurea fermentorum, quorum naturam salinam esse, flores cerevisiæ, fermentum panis &c. testatum faciunt, vices agere valebunt? Verosimilius est, Chalybeata hæc efficere sub ea ratione, qua pulvis alabastritis, silices calcinati &c. si vinis, præsertim ex valde austeris uvis expressis, adduntur melius fermentescunt & depurata reddunt, nimirum acidum prædominans & fermentationem quasi figens absorbendo, quomodo non solum in cachexia, leucophlegmatia, pica & malacia vultui pristinum florem conciliabunt, sed etiam sanguinis lactescentiam, quam ab acido liquore infuso ferum sanguinis accipere *Idem de febr. c. 1. p. 107.* scribit, corrigent. Acidum verò chalybem absorbere patet, quòd à Vitriolo martis corrosiva malignitas in oleo vitrioli, ex quo tamen, istius limaturæ affuso, illud emergit, valde manifesta, longissimè absit. Quocirca, docente *Pechlin. de purg. c. 5. p. 70.* Struthiocamelus, à nimia ferri quantitate porrecta, tandem, propter ventriculi fermentum obrutum, emaciatus periit, & in quartana, pica atque malacia, ab ejusdem aciditate, præter naturam auctiore, deducendis, egregium afferunt commodum; nec mirum est, rusticum chalybis usu à vomitu horrendo virefcente liberatum fuisse, ex *observ. River. comm. 69. p. 281.* De modo exhibendi multas quæstiones agitant Autores, inter alios lis est, an debeat limatura chalybis in substantia exhiberi? *Zwelf. Pharm. Aug. p. 257.* illius usum planè rejicit, quia ad venas non penetret, sed iterum, uti sit ingesta, excernatur. Verùm dubiam reddit hanc *Autoris* hypothesin, quòd fermentum ventriculi ex acidorum, quæ martem in facili solvunt, numero esse, rationibus firmis-
à su-

à *superius* laudato *Experientissimo* Dn. Doct. Bohnio in *disf. physiol.* 3. evincatur; ideoq; juxta *Willis. de ferm. c. 5. p. 25.* dicta limatura ore assumpta (ob eam corrodens in ventriculo fermentum) paulò post nidorem, qualem Spiritu vitrioli affuso, excitat, & iterum, si medicamentum operetur, nigredine inficiantur, non conspicienda, nisi ex chalybe in ventriculo factum fuerit vitriolum.

XVIII.


Saponem *Sylvius in praxi* insigni illa laude decorat, quòd eo aliquoties se Ictericos restituisse gloriatur. Constat autem particulis oleosis, acidorum Spirituum acrimoniam temperantibus & salinis lixiviosis, ipsis etiam acido infestis, quorum insuper medio acida & pingua, alias junctum valde difficilia, in facili congrédiuntur. In specie egregium præstat remedium contra omnes motus convulsivos, quorum paroxysmos in puella epileptica valde imminuisse *Experientia Barbettum in Pr. cap. 1. pag. 15.* docuit; pariter ac ob eandem texturam *Borell. cent. 1. obs. 18.* pulverem seminis saponariæ, spumam, si in aqua fricetur, saponis instar emittentis, in eodem affectu admodum deprædicat. Hujus quoque classis sem. Cannabis est, quod in lacte bubulo, itidem pingui, ad crepaturam circiter coctum & colatum atque bis terve in die ad uncias quinque aut sex assumptum egregium in nostro affectu, teste *Sylvio atq; Dodonæo* est euporistum; non quidem, quòd sicut *Hic* credit, si Icterus ab obstructionibus proveniat; quis etenim ejusmodi viscidum, crassum, ac oleo tam obtuso, maximam partem constans in obstructionibus referendis, imò calculis frangendis emolumento esse sibi persuadeat? Rectius reverà, quòd acrimoniam humorum obtundat, & bilis turgescentiam, spasmosque abdominis coërceat, quapropter, referente *Matthiol. in 3. Diosc. lib. cap. 188.* mulieres Italianæ hujus decoctum in morbo comitiali pueris exhibent.

Vulneraria, qualia sunt è regno vegetabili marrubium, salvia, fumaria, plantago, &c. è regno animali ☿ contus. stercora, urina, &c. egregium quoque usum in Ictero curando præstare, concluditur ex *Riv. cent. 3. obs. 73.* in qua solus succus fumarie Ictero & vomitu bilioso correptum curasse refertur, & *Plater. Pr. T. 3. p. 141.* ubi salviæ folia, sæpius sumpta, quendam restituisse, docetur. A plerisq; illa, præcipuè plantago pro refrigerantibus & bilis caliditatē temperantibus habentur, unde in cholera, diarrhœa & morbo regio, quatenus illam corrigant, conferant, quò etiam *Sylv. in Pr.* per blandam aciditatem atq; austeritatem bilis acrimoniam salinam ejusq; oleositatem emendare putans, inclinat. Verùm, ne de succo plantaginis jam allata *in diss. nostra, Lipsia de hæmorrhagia habita*, repetamus, eundem solutionem vitrioli præcipitasse vidimus. Sedimentum quidem ille ponebat etiam, affuso hujus oleo, acido, ut exinde videantur acida corpuscula vitrioli dictum succum, non hic ejus solutionem præcipitasse; Ast color & alteratio hæc longè discrepabat à prima: Adhæc ejus extractum in aqua solutum, dictæ solutioni, turbando, impertiebat colorem viridem subatrum, qualem ferè ab affusis Spiritibus urinosi in principio accipere solet. Sic succus quoq; fumarie Mercurii sublim. solut. præcipitabat, ob eamque rationem simili colore viridi donabat solut. Vitrioli; in qua sedimentum subviride pendulum, addito ejus extracto, conspiciendum se exhibebat. Cum igitur talia sint phænomena, quæ exhibentur ab alcalinis, videmus probabilius eorum naturam potius ad alcalinorum, quàm acidorum naturam accedere, & hoc asserito posito, conducere in ejusmodi biliosis morbis, succum magis pancreaticum, cujus vitia effervescentia atque bilis effusio sequitur, corrigendo. Quomodo enim alias iisdem in casibus faxea, e. g. terra sigillata,

lata, Cornu Cervi, &c. quæ in ipso etiam nostro affectu approbantur, curationis gratia exhiberentur? aut quomodo in vomitu bilioso sal absinthii (ex lixiviosorum genere) cujus tria exempla habet *River. cent. 2. obs. 99. & cent. 1. obs. 15.* aliquod emolumentum afferrent? Huc non in convenienter referuntur amara, e.g. absinthium, centaurium minus, &c. in morbo regio magni æstimata, quæ & ipsa vires acidorum supprimunt; non enim solum cerevisia, quò lupulo amaro saturatior, eò diutius ab acescentia præservatur, sed etiam ejus generis cætera, qualia dicta sunt, hujus vicem referente *Willis. de ferm. p. 40.* supplent; inprimis absinthium, cujus extractum, æquè ac de fumaris retulimus, Mercur. subl. & Vitrioli solut. præcipitabat, cum tamen simile quid, affuso illi ejus oleo, animadvertere nobis non licuerit. Ob acrimoniam insuper, quam amaritudine sua produnt, pituitam, crassosq; humores incidendi facultate pollent, hic minimè negligenda; nam & antiscorbutica, e.g. Eruca sylvestris, Raphanus, imò ipsa aromata, e.g. calamus aromaticus crebrò præscribuntur, prima præsertim regione crudis humoribus, flatibusq; obseffa. His subjicere liceat opiata, quæ à *Sylvio* admodum commendantur; illisq; ob vim narcoticam affinem CROCUM, in pulverem singularis remedii receptum à *Platero*. Utilitas eorum in biliosis diarrhœis, vomitibus atque ipsa cholera, quantum in nimia bilis è vesicula sua effusione conducant, testatur; Cum etiam sudorem in affectu nostro maximè proficuum movere *Idem in Prax. T. 2. p. 547.* asserat, & per observationes suas *pag. 682.* probet, ad talia in ipso non rarò optimè confugiendum esse elucescit.

XX.

Inter remedia externa Practici commendant topica, quæ in forma foruum, cataplasmi. unguent. emplastr. &c. ad-



adhibenda, circa hepatis regionem & hypochondrium dextrum applicentur. Speciebus pro iis recipiendis admisceri possunt carminantia, aliaq; penetrantia & subtiles halitus spirantia, præcipuè, si flatus & ructus simul ad sint, intestinorumq; tumores & dolores observentur. Jungantur his Cucurbitulæ & ventosæ, quibus Ictero sociatum dolorem, in hypochondrio dextro affligentem, incantamenti instar, sedatum fuisse refert *Forest. l. 19. obs. 20*; Easdem extollit etiam *River. cent. 2. obs. 58.* in dolore nephritico putatitio & unâ colico, quem sine calculo, arena & pituita per urinâ excretis, sed flatibus à lumbis ad alvum sensibiliter cum sonitu blando, ab adstantibus faciliè audito, delatis solutum fuisse narrat. Tertiò revocantur in usum balnea, quibus non solum bilis in poris cutis hærens abstergitur, & per eos magis apertos, faciliùs eliminatur, sed quorum etiam efficacia in prima regione percipitur. Notetur autem, remedia hæc calentia esse usurpanda; *Idem enim ibid.* docet, balneum calens, non tepidum saltem, sibi profuisse; videlicet ob calorem, qui ad flatus omnes discutiendos, crassosq; humores resolvendos est utilis-
simus: Imò qui multum opis promittit in materia tartarea & calculo frangendo atq; solvendo, quippe Tartari & Sulphuris, &c. solutiones ab eodem maximè juvari atque facilitari experimur.

Quæ medicamentis hisce, ne eorum vis sufflaminetur, sed juvetur, commoda victus ratio respondeat, è fonte dietetico colligi poterit facillimè. Itaq; ob prolixitatem vitandam huic operi sit finis, &

DEO GLORIA.